

98

**NO. SOALAN: 46**

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : DATUK SAPAWI BIN AHMAD WASALI  
[SIPITANG]**

**TARIKH : 14.03.2018**

**SOALAN : 46**

**Datuk Sapawi Bin Ahmad Wasali [Sipitang] minta PERDANA MENTERI menyatakan kesan positif daripada Ikrar Bebas Rasuah (IBR) ke arah mencapai matlamat menjadikan Malaysia 10 negara terbaik bebas rasuah.**

99

**JAWAPAN: YB SENATOR DATUK PAUL SENG KUAN**  
**MENTERI DI JABATAN PERDANA MENTERI**

Yang Berhormat,

Memerangi apa-apa jenayah sekalipun, tidak mencukupi dengan hanya menjalankan tindakan punitif semata-mata. Umum mengetahui, mencegah adalah lebih baik daripada mengubati. Justeru itu, tindakan pencegahan rasuah dijadikan suatu kewajipan di bawah Akta Suruhanjaya Pencegahan Rasuah Malaysia (SPRM) 2009 dan akta-akta sebelumnya, sebagaimana persetujuan Dewan yang mulia ini ketika membahas Rang Undang-undang tersebut pada tahun 2008.

Seksyen 7 (f) dan (g) Akta SPM 2009 jelas memperuntukkan tanggungjawab SPRM untuk mendidik orang ramai supaya menentang rasuah serta mendapatkan dan memelihara sokongan mereka dalam memerangi rasuah. Dalam melaksanakan tugas ini, sememangnya SPRM perlu sentiasa peka dengan persekitaran semasa, bagi memastikan bahawa aktiviti-aktiviti pencegahan rasuah yang dilaksanakan dapat meraih kesedaran dan sokongan berterusan dari masyarakat. Dengan peralihan generasi demi generasi juga, komitmen masyarakat untuk membenci dan menolak jenayah rasuah perlu sentiasa diperbaharui dan diperkuuhkan.

Inisiatif Ikrar Bebas Rasuah (IBR) yang sehingga kini telah ditandatangani secara sukarela, terbuka dan beramai-ramai atau *public commitment* oleh warga serta anggota organisasi daripada lebih 1,966 buah agensi Kerajaan dan bukan Kerajaan, adalah suatu gelombang yang telah berjaya membangkitkan kesedaran dan kesediaan mereka untuk bersama-sama membenci, menolak dan melaporkan jenayah rasuah. Dengan skala penyertaan yang begitu besar, momentum IBR telah berjaya menarik pelbagai individu dan agensi supaya keluar dari kepompong sikap tidak ambil peduli mereka terhadap jenayah rasuah.

Yang Berhormat,

Adalah menjadi matlamat Kerajaan agar negara ini dapat berada dalam kelompok 30 negara paling bebas rasuah menjelang tahun 2020. Untuk mencapai hasrat itu, mentaliti dan komitmen anggota masyarakat perlu dijajarkan dengan pelbagai inisiatif, strategi dan agenda memerangi jenayah rasuah yang telah dan sedang dilaksanakan. Dalam hal ini, IBR telah menunjukkan kesan positif dalam membangkitkan kesedaran anti rasuah di kalangan masyarakat, menjadikannya suatu inisiatif yang baik dan perlu diberikan sokongan.

Sekian, terima kasih.